



Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. VII. Aliud Iansenij fundamentum destruitur

[urn:nbn:de:hbz:466:1-77355](#)

lapis cohibere motum quō fertur inferiū, bene tamen animus motum quō superioribus deserit, inferiora diligit; & ideo naturalis est lapi- di ille motus, animo verò iste voluntarius. Item idem S. Doctor in libro de gratia & lib. arbit. quem pro concilianda libertate cum gratia edidit, cap. 2. relatis his Scripturæ verbis: *Appositi tibi ignem & aquam, ad quodcumque volueris extende manum tuam. In conspectu hominis vita & mors, quodcumque placuerit, dabitur ei,* subiungit exclamando: *Ecce apertissimum videamus expressum liberum humanae mentis arbitrium: illis scilicet verbis, qua manifestè sonant libertatem indifferentiæ circa bonum & malum.*

Ex his tribus ultimis testimoniosis patet D. August. admisisse libertatem indifferentiæ, non solum in libris quos scriptis adversus Manichæos (ut fateretur Janesius) sed etiam in concertationibus quas habuit contra Pelagianos. Non ergo in Augustini doctrina paradoxum inauditum est, quod actus aliquis voluntatis propterea sit liber, quia ab illo desistere voluntas, & non agere possit. Imò potius mira, nova, & falsa est Adversariorum sententia, libertatem in sola spontaneitate seu immunitate à coactione confitens, & asserens nullum posse dari actum à voluntate elicium, qui non sit liber; cum in actibus elicitis voluntas cogi non possit. Unde illis cum Augustino dicere licet: *Mira sunt qua dicitis, nova sunt que dicitis, falsa sunt qua Julian dicitis: mira stupemus, nova cavemus, falsa convincimus.*

§. VII.

Aliud Jansenij fundamentum destruitur.

^{231.} **O**RIGINAT præterea Jansenius: Eo ipso quod homo sponte agit & non coacte, libere operatur: Ergo libertas in sola spontaneitate seu immunitate à coactione consistit. Consequentia patet, Antecedens probatur ex Augustino lib. 3. de libero arbit. cap. 4. ubi ai homines justè puniri, quos Deus prævidet peccatores, quia Deus præscientiā suā non cogit facienda quæ futura sunt. Item disputans cum Pelagianis, non aliter cum efficacia gratiæ arbitrij conciliat libertatem, quā asserendo voluntatem à gratia non cogi, ut patet ex libro 1. operis imperfecti, pagina 150. & 151. ubi Julianus ita percontanti: *Interrogo ad quem modum liberetur voluntas, ut bonum semper velle cogatur, & malum velle non possit? an ut utrumque possit appetere? responderet: Absit ut dicatur à nobis; si enim cogitur, non vult.* Idem videtur est apud Prosperum, Fulgentium, & alios SS. Patres, quorum omnium sententiam expressit Petrus Diaconus in libro ad Fulgentium cap. 6. dicens: *Pater atrahit ad veram libertatem, non violentiā necessitatē, sed infundendo charitatem per Spiritum Sanctum.*

^{232.} Confirmatur: SS. Patres passim docent voluntarium seu spontaneum, & liberum esse omnino synonima, omnemque actum voluntatis, eo ipso quod voluntarius & spontaneus est, liberum esse: Ergo arbitrij libertas in eo sita est, quod homo sponte seu voluntariè operetur, non verò in eo quod agat cum electione & indifferentia. Consequentia est manifesta, Antecedens probatur variis SS. Patrum testimoniis: Tertullianus enim lib. 2. contra Marcionem cap. 6. ait: *Liberatem arbitrij in utramque partem concessam esse homini, ut bono sponte servando,*

A & malo sponte vitando, sui dominus constanter occurreret. Prosper verò libro contra Collatorem cap. 18. seu potius 19. hanc tradit liberi arbitrij definitionem: *Liberum arbitrium est rei sibi placitæ spontaneus appetitus.* Quam definitiōnem ex Augustino despūfit, qui libro de duabus animabus cap. 1. liberam voluntatem definit *animi motum, cogente nullo.* Item Damascenus lib. 3. fidei cap. 14. dicit: *Arbitri libertas nihil aliud est quam voluntas.* Idem asserit Hugo à S. Victore in Summa sent. 2. cap. 4. *Liberum arbitrium (inquit) ex eo dicitur, quod est voluntarium.* Favent etiam Anselmus & Bernardus: ille enim libro de concord. cap. 2. sic ait: *Ex libertate fit quod fit ex voluntate: iste verò in libro de gratia, & libero arbitrio sic discurret: Ibi ergo consensus, ubi voluntas: porro ubi voluntas, ibi libertas.*

B Ut hæc testimonia, quæ primâ fronte apparent difficultia, clarè exponantur, & Janseniana opinio latebra ac insidie facilis deteguntur. Notandum est primum, coactionis nomen tripliciter sumi: Primum strictè & rigorosè, pro interna violentia, quā voluntas invita profus ac reluctans ad volendum adigatur; quo pacto usurpat communiter à Philosophis & Theologis, qui coactum definunt, id quod est à principio extrinseco, passo non conferente vim, ut disputatione præcedenti vidimus. Secundò largè & impropriè, prout vim tantum moralē significat, quæ efficit ut id quod agimus, eti⁹ voluntarium simpliciter & liberum sit, aliquatenus tamen non voluntarium, seu involuntarium secundū quid appelletur; sic vulgo dicimus mercatorem, metu naufragij coactum, projicere merces in mare, & ægrotum metu mortis, ægrè licet & invitò, permittere brachium sibi abscondi. Tertiò necessitas simplex, quan libertati opponimus, coactionis nomine plerumque à SS. Patribus appellatur, ut docent Bellarminus libro 3. de gratia & lib. arb. cap. 6. & Estius in 2. dist. 21. §. 2. & patet ex Augustino disp. t. contra Fortunatum Manichæum, ubi illum sic affatur: *Quomodo habemus peccata, si natura contraria nos cogit facere quod facimus? qui enim cogiur necessitate aliquid facere, non peccat.* Et disp. 2. docet quod Manichei affirmabant, *animam à contraria natura cogi delinquare: id est ex ipsius interpretatione, ita pelli ci ad peccandum, ut resistendi potestas nulla sit.* In eodem sensu nomen coactionis usurpat S. Thomas in 2. dist. 25. qu. 1. art. 2. dum dicit intellectum vi demonstrationis cogi, id est necessarii ad assentiendum.

C ^{233.} Notandum secundò, quod cùm spontaneum coacto opponatur, tot spontanei, quot coacti species, esse debent. Unde spontaneum primum strictè & rigorosè usurpat pro eo quod fit absque violentia ab agente extrinseco impressa; & hoc modo voluntas in omnibus actibus elicitur agit spontaneè, cùm in illis nullam possit pati violentiam, ut disputatione præcedenti ostendimus. Secundò spontaneum interdum sumitur pro eo quod vim seu coactionem moralem excludit: nam ut coactus, invitus, ac nolens agere dicitur, quem impendit periculi metus ad agendum impellit; sic sponte ac volens agere dicendum est, qui nullā vi extrinseca admotā, natus tantum suo agere cernitur. Tertiò, seu coactum interdum sumitur pro necessario, seu ad unum tantum determinato;

233.

234.

ita spontaneum nonnunquam à SS. Patribus usurpatum pro eo quod liberum est, & simplicem seu absolutam necessitatem excludit. Idem dicendum est de voluntario; nam quod perfectè liberum, & absolute necessitatis expers est, interdum à SS. Patribus voluntarium simpliciter appellatur, ut patet ex illo Augustini: *Peccatum ad eo voluntarium est malum, ut nullo modo sit peccatum, si non sit voluntarium.*

235. Notandum tertius D. Thoma quæst. 22. de veritate art. 5. in voluntate duplum debere distinguiri conceptum, unum naturæ, alium voluntatis formaliter. Conceptus naturæ est illi communis cum omnibus aliis rebus creatis, & in hoc consistit, quod sicut alia res aliquod bonum sibi proprium & conveniens, vel ad aliquam operationem sibi connaturalem ex natura sua determinata sunt; ita voluntas, in quantum est natura quedam, aliquid naturaliter vult; nam voluntas hominis naturaliter tendit ad beatitudinem, & voluntas Dei ad sui dilectionem. Conceptus voluntatis est illi proprius & peculiaris, & consistit in eo quod in ordine ad aliquam indifferenter & indeterminatè se habeat. Unde D. Thomas i. p. qu. 41. art. 2. ait: *Voluntas ex natura secundum hoc differunt in causando, quod natura determinata est ad unum, sed voluntas non est determinata ad unum.* Et paulo post: *Eorum igitur voluntas principium est, qua possunt sic vel aliter esse; et eorum autem quæ non possunt nisi sic esse, principium naturæ est.* Et qu. 2. de potentia ar. 3. *Voluntas (inquit) in quantum voluntas, cum sit libera, ad utrumlibet se habet; potest enim voluntas agere vel non agere; & si respectu aliquis hoc voluntati non convenient, hoc accidet voluntati, non in quantum voluntas est, sed ex inclinatione naturali, &c.* Ex quibus patet liberum arbitrium esse ipsam voluntatem, nimirum quatenus voluntas est, non quatenus natura; subindeque idem esse juxta D. Thomam, fieri ex voluntate, ut voluntas est formaliter, & fieri ex libero arbitrio. His præmissis,

236. Ad argumentum respondeo, negando Antecedens. Ad cuius probationem dico, quod quando S. Augustinus ait homines justè puniri, quos Deus prævidet peccatores, quia Deus præscientia sua non cogit facienda que futura sunt, nomine coactionis non intelligit strictam illam & rigorosam violentiam, de qua loquuntur Philosophi & Theologi, sed nomen illud usurpat pro simplici necessitate, & docere intendit, nullam à Dei præscientia voluntatibus nostris inferri necessitatem, quæ à peccato excusat. Similiter in concertationibus cum Pelagianis eadem notio coactionis nomen usurpat, cùm docet gratiam efficacem nostras non cogere voluntates: nam eodem modo illam sumit quo Julianus, cui interroganti respondet: Julianus autem dum Augustinum interrogat, *Ad quem modum liberum voluntas ut bonum semper velle cogatur*, nomine coactionis intelligit simplicem necessitatem, quæ uni parti voluntatem affigat, ut patetur Jansenius lib. 2. de hæresi Pelag. cap. 1. ubi de Pelagianis, præcipue de Juliano loquens, sic ait: *Hanc autem necessitatem subinde coactionem vocat: non enim tam intelligit coactionem propriæ dictam, quæ fit reniente voluntate, quam illam ad unam partem addictionem, quam liberum arbitrium non nisi ad bonum, vel non nisi ad malum velle posse diceretur. Ergo cum Augustinus respondet Juliano: Absit ut di-*

catur à nobis; si enim cogitur, non vult, nomine coactionis simplicem necessitatem intelligit, quam cum gratia efficaci pugnare Julianus putabat, & ipse Augustinus negabat. Dum vero idem S. Doctor liberam voluntatem definit animi motum, cogente nullo, de coactione morali intelligi debet: nam ut ipsem Jansenius lib. 4. de statu naturæ lapſe cap. 21. ad eum locum explicandum annotat, *Quisquis timore compulsus aliquid facit, non facit hoc nullo cogente, & consequenter non voluntate, seu volens, phrasit Augustini, sed necessitate, hoc est nolens, invitus, & coactus facit.*

Ad confirmationem dicendum est, quod quando SS. Patres afferunt voluntatem esse liberam, quia sponte agit, hoc nomen usurpant, prout non solum rigidam coactionem, sed etiam simplicem necessitatem excludit. Similiter cùm docent quod arbitrij libertas nihil est aliud quam voluntas; quod sit ex voluntate, fieri ex libertate; quod ubi est voluntas, ibi est libertas, &c. loquuntur de voluntate secundum quod formaliter voluntas est, & prout distinguuntur à seipso quatenus habet rationem naturæ: quia nunquam contingit voluntatem ut voluntas est, velle, nisi liberè velit, & cum potestate ad opus possum; nam ut ex D. Thoma suprà retulimus, *Voluntas in quantum voluntas, cùm sit libera, indifferenter se habet ad utrumlibet.*

S. VIII.

Testimonia D. Thome ab Adversariis objecta exponuntur.

MULTA congerunt, & accumulant Jansenius & Vincentius Lenis D. Thomæ testimonia, quæ favere videntur eorum sententias: ea tamen ad tria genera seu capita revocari possunt. Primum est eorum in quibus affirmat naturalem necessitatem non repugnare libertati voluntatis, ut i. p. qu. 82. art. 1. ad 1. ubi ait: *Necessitas naturalis non avertit libertatem voluntatis.* Idem docet qu. 22. de veritate art. 5. ad 1. & ad 3. & qu. 10. de potentia art. 2. ad 5. ex quo ibidem inserit, Deum liberè seipsum diligere, & Patrem liberè producere Spiritum Sanctum.

Secundum est eorum, quibus videtur assertare, hominem esse liberi arbitrij, per solam libertatem à coactione, cuiusmodi est quod ait in 2. dist. 25. qu. 1. art. 4. *Liberum arbitrium dicitur ex eo quod cogit non potest.* Et i. p. qu. 83. art. 2. ad 3. *Homo peccando liberum arbitrium dicitur perdidisse, non quanum ad libertatem naturalem quæ est à coactione, sed quanum ad libertatem quæ est à culpa & miseria.* Ubi videtur supponere libertatem naturalem, seu essentialiem, per solam immunitatem à coactione salvari.

Tertium est eorum, quibus docere videtur, opus esse laude vel virtutero dignum, meritum vel demeritorium, ex eo solum quod voluntarium & spontaneum est, seu liberum à coactione; v. g. hic qu. 6. art. 2. ad 3. ubi ait: *Laus & virtutero consequuntur actum voluntarium, secundum perfectam voluntarij rationem, qualis non inventur in bruis.* Et in 3. dist. 12. qu. 2. art. 1. ad 3. ubi sic habet: *Impotentia coactionis, quæ opponitur voluntario, tollit rationem meriti & demeriti, non impotentia quæ est ex perfectione, in bonitate vel malitia; quia hoc voluntarium non tollit, sed ponit voluntarium confirmatum ad unum.*

Ad